



შპს სულხან-საბა ორბელიანის სასწავლო  
უნივერსიტეტის  
პლაგიატის პრევენციის, აღმოჩენისა და  
პლაგიატზე რეაგირების წესი

*დამტკიცებულია უნივერსიტეტის რექტორის 2019 წლის 13 სექტემბრის  
№110-19 ბრძანებით*

თბილისი

2019 წელი

## მუხლის 1. ზოგადი დებულებები

1. პლაგიატის პრევენციის, აღმოჩენისა და პლაგიატზე რეაგირების წესის (შემდეგში - „წესი“) მიზანია, ხელი შეუწყოს უნივერსიტეტში სამეცნიერო და აკადემიურ საქმიანობას და დაიცვას აკადემიური კეთილსინდისიერების ნორმები.
2. ამ წესის მოთხოვნები ვრცელდება უნივერსიტეტის აკადემიურ პერსონალსა და სტუდენტებზე.

## მუხლი 2. პლაგიატის ფორმები

1. პირდაპირი პლაგიატი არის სხვისი ნამუშევრის (იდეა, ნაწერი, გამოსახულება, გრაფიკი თუ მონაცემი) მითვისება ავტორის მითითების გარეშე.
2. პერაფრაზირებული პლაგიატი არის სხვისი მოსაზრებების პარაფრაზი ავტორის ერთმნიშვნელოვანი მითითების გარეშე. პერაფრაზირებულ პლაგიატად მიიჩნევა პერაფრაზირებისას ავტორის სიტყვების უმნიშვნელო ცვლილება, რაც ავტორობის საკითხის ბუნდოვანებას იწვევს.
3. მოზაიკური პლაგიატი არის სხვადასხვა წყაროდან აღებული მოსაზრებები, რომლებიც ისეა გაერთიანებული, რომ ცალკეული ავტორები მითითებული არ არის.
4. პლაგიატი დაუდევრობით გულისხმობს არასწორ ციტირებას, როდესაც ავტორების ან წყაროების მითითებისას მნიშვნელოვანი ინფორმაცია გამორჩენილი ან არეულია.
5. თვითპლაგიატი არის ერთი და იმავე ნაშრომის ან ნაშრომის მნიშვნელოვანი ნაწილების ორჯერ ან მეტჯერ წარდგენა/გამოქვეყნება საკუთარი ნაშრომის ციტირების ან შესაბამისი მითითებისა და უფლების მოპოვების გარეშე.
6. საავტორო უფლებების დარღვევად მიიჩნევა სხვისი ნამუშევრის გამოყენება საავტორო უფლებების მოპოვების გარეშე.
7. ფარული თანამშრომლობა სხვების მოტყუების მიზნით გულისხმობს არაუფლებამოსილ/არასანქცირებულ თანამშრომლობას, მიღებული დახმარების არაღიარებას, ჯგუფურ პროექტზე მუშაობისთვის დადგენილი წესების არ გათვალისწინებას.

## მუხლი 3. პლაგიატის შესახებ ინფორმირება და მისი პრევენცია

1. პლაგიატის შესახებ უნივერსიტეტის აკადემიური პერსონალის ინფორმირება ხდება საორიენტაციო შეხვედრებით და აღნიშნული წესის მეშვეობით, რომელიც გამოქვეყნებულია უნივერსიტეტის ოფიციალურ ვებ-გვერდზე. პლაგიატის პრევენციის მიზნით უნივერსიტეტში მოქმედებს ანტიპლაგიატის ელექტრონული პროგრამა, სადაც ხდება საკვალიფიკაციო ნაშრომების (საბაკალავრო ნაშრომი/პროექტი, სამაგისტრო და სადისერტაციო ნაშრომები და ა.შ.) პლაგიატზე შემოწმება.
2. სტუდენტები პლაგიატის შესახებ ინფორმირებულები არიან ამ წესის, „სტუდენტთა ქცევის კოდექსის“, „სამაგისტრო პროგრამის სამეცნიერო-კვლევითი კომპონენტის დაგეგმვის, შესრულებისა და შეფასების წესის“ მეშვეობით. უნივერსიტეტში სტუდენტებისა და აკადემიური პერსონალის ინფორმირებულობის ამღლების მიზნით იმართება საორიენტაციო შეხვედრები. პლაგიატის პრევენციის მიზნით, უნივერსიტეტში ყველა საფეხურის საგანმანათლებლო პროგრამა ითვალისწინებს სასწავლო კურსებს, რომლებიც მოიცავს აკადემიური კეთილსინდისიერების საკითხებს. სწავლების პირველივე წლიდან სტუდენტებს ეძლევა წერიტი დავალებები (რეფერატი, პრეზენტაცია, ესსე), რაც პრევენციული ფორმით მოქმედებს

სტუდენტებზე. საბაკალავრო ნაშრომი/პროექტი, სამაგისტრო და სადისერტაციო ნაშრომი მოწმდება ანტიპლაგიატის ელექტრონულ პროგრამაში.

#### მუხლი 4. პლაგიატის აღმოჩენის მექანიზმები

1. პლაგიატის აღმოჩენის ძირითადი მექანიზმებია ლექტორის, ნაშრომის ხელმძღვანელის, რეცენზენტის დასკვნა და ანტიპლაგიატის სისტემა.
2. უნივერსიტეტში შექმნილი ყველა საბაკალავრო ნაშრომი/პროექტი, სამაგისტრო ნაშრომი, სადისერტაციო ნაშრომი, სამეცნიერო ნაშრომი, სტატია, პუბლიკაცია, მოხსენება, წიგნი, უნივერსიტეტის შესაბამის სტრუქტურაში საბოლოო სახით წარდგენის მომენტიდან სავალდებულო წესით მოწმდება ანტიპლაგიატის ელექტრონულ პროგრამაში.

#### მუხლი 5. პლაგიატზე რეაგირების მექანიზმები

1. პლაგიატის აღმოჩენის ძირითადი მექანიზმებია ლექტორის, ნაშრომის ხელმძღვანელის, რეცენზენტის დასკვნა და ანტიპლაგიატის სისტემა.
2. საბაკალავრო და სამაგისტრო საფეხურზე წერით დავალებებში პლაგიატის აღმოჩენის შემთხვევაში სასწავლო კურსის ხელმძღვანელი ვალდებულია გააუქმოს ნაწერი შეფასების გარეშე და ინფორმაცია მიაწოდოს შესაბამისი ფაკულტეტის დეკანს ან პროგრამის ხელმძღვანელს.
3. უნივერსიტეტში შექმნილი ყველა საბაკალავრო ნაშრომი/პროექტი, სამაგისტრო ნაშრომი, სადისერტაციო ნაშრომი, სამეცნიერო ნაშრომი, სტატია, პუბლიკაცია, მოხსენება, წიგნი უნივერსიტეტში შესაბამის სტრუქტურაში საბოლოო სახით წარდგენის მომენტიდან სავალდებულო წესით მოწმდება ანტიპლაგიატის ელექტრონულ პროგრამაში.

#### მუხლი 6. ანტიპლაგიატის ელექტრონული სისტემა

1. უნივერსიტეტში მოქმედებს ელექტრონული პროგრამა - "StrikePlagiarism.com".
2. ანტიპლაგიატის ელექტრონული სისტემა არის საინფორმაციო ტექნოლოგიური, ელექტრონული ინსტრუმენტი, რომელიც ტექნიკური დოკუმენტების ავთენტურობას ადგენს. სისტემურად იგი უზრუნველყოფს, მოიძიოს და მოახდინოს სხვა წყაროდან ამოღებული ინფორმაციის იდენტიფიცირება. ხელს უწყობს ტექსტის შეფასებას და უთითებს მათ მდებარეობას. ანტიპლაგიატის სისტემა ავლენს გასაანალიზებელ დოკუმენტში იმ იდენტურ ფრაგმენტებს, რომლებიც განთავსებულია სხვადასხვა მონაცემთა ბაზაში, ინტერნეტ რესურსებში.
3. ანტიპლაგიატის სისტემა ადარებს ყველა ატვირთულ დოკუმენტს შემდეგ მონაცემთა ბაზების წყაროებთან:
  - 3.1. უნივერსიტეტის მონაცემთა ბაზაში არსებული დოკუმენტები;
  - 3.2. სხვა უნივერსიტეტის მონაცემთა ბაზაში არსებული დოკუმენტები;
  - 3.3. ინტერნეტ რესურსები;
  - 3.4. RefBooks-ის მონაცემთა ბაზა;
  - 3.5. სამართლებრივ მონაცემთა ბაზა.

#### მუხლი 7. საკვალიფიკაციო ნაშრომების შემოწმება

1. ანტიპლაგიატის ელექტრონულ პროგრამაში მასალის ტექნიკურ ატვირთვას და გადამოწმებას უზრუნველყოფს შესაბამისი ფაკულტეტი ან/და სამაგისტრო,

სადოქტორო პროგრამის კოორდინატორი. ნაშრომი პროგრამაში აიტვირთება მისი რეგისტრაციიდან არაუგვიანეს 2 სამუშაო დღის ვადაში. მიღებული ელექტრონული დასკვნა ეგზავნება ნაშრომის სამეცნიერო ხელმძღვანელსა და საგანმანათლებლო პროგრამის ხელმძღვანელს, რომლებიც ერთობლივად განიხილავენ და აფასებენ დასკვნას. შედეგები რეგისტრაციიდან არაუგვიანეს 7 სამუშაო დღის ვადაში ეცნობება სტუდენტს.

2. პლაგიატის დადასტურების შემთხვევაში, სტუდენტის ნაშრომი უქმდება. სამაგისტრო და სადისერტაციო ნაშრომებში პლაგიატის დადასტურების შემთხვევაში, ნაშრომი არ ფასდება, სტუდენტს ეძლევა შესაძლებლობა ნაშრომი წარმოადგინოს შემდეგ სემესტრში.
3. აკადემიური პერსონალის სამეცნიერო ნაშრომზე მიღებულ ელექტრონულ დასკვნას განიხილავს ფაკულტეტის დეკანი უნივერსიტეტის ხარისხის სამსახურის უფროსთან და პრორექტორთან ერთად. პლაგიატის დადასტურების შემთხვევაში, უნივერსიტეტი მხარს არ დაუჭერს ნაშრომის გამოქვეყნებას. ნაშრომში პლაგიატის აღმოჩენა არის დისციპლინური პასუხისმგებლობის საფუძველი.
4. ანტიპლაგიატის ელექტრონულ სისტემაში კვლევითი სტატია, პუბლიკაცია, მოხსენება, წიგნი და ა.შ. აიტვირთება მის გამოქვეყნებამდე არანაკლებ ერთი თვით ადრე.
5. პლაგიატის პროცენტული გაანგარიშება და შედეგები მოცემულია N1 დანართის შესაბამისად.

## მუხლი 8. აპელაცია

1. პლაგიატის აღმოჩენის შემთხვევაში აკადემიურ პერსონალსა და სტუდენტებს უფლება აქვს შედეგების გამოქვეყნებიდან 2 სამუშაო დღის ვადაში აპელაციით მიმართოს ფაკულტეტის საბჭოს.
2. ფაკულტეტის დეკანი ფაკულტეტის საბჭოსთან ერთად იხილავს აპელაციას და საბოლოო გადაწყვეტილებას იღებს 10 დღის ვადაში.
3. აპელაციის განხილვა შესაძლებელია მხოლოდ ერთხელ.